

沈乃文 主編

明別集叢刊 第五輯

第九十四冊

黃山書社



国家出版基金项目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第九十四冊

黃山書社



(明)馮奉初輯

潮州耆舊集二十種

清道光刻本

潮州耆目舊集

題辭

潮州古義安郡嶺東菁華翕聚之區也道光丁亥

奉教授潮州

愛其山川之清雄與其人士之秀偉鄒魯之遺風存焉間與其

士大夫遊訪昌黎之治蹟溯天水之師資蓋人文秀發已更歷

數朝矣唐宋以來代有聞人自元應明而益盛其德業文章載

於史乘可以輝映一時流聲奕世者未可更僕數每欲採攬前

聞與邦人士講習而佩服之甲辰再任潮州

方伯李方赤先生時觀察是邦既已政教具舉咸與維新特建

趙天水先生專祠以爲閩郡風氣之所宗蓋以此鄉之先達作

潮州耆舊集

卷一

題辭

一

後進之楷模其事信而有徵其言自親切而易入謂宜更敷求

前哲格言爲多士舊典時式於是委

奉

以搜羅輯選之任

奉向

者嘗有志焉今幸哲匠爲之提唱則參互考訂皆將奉箴言而

得所折衷以就正於有道謹就平日所及見者推廣旁搜共得

二十集博覽而慎選之務以存其人之精粹而凡當時朝廷鄉

國是非利病之所繫綱常學術之所關與夫安危治亂世運民

風之所倚伏靡不釐然備載其中而風雲月露之詞姑在所緩

焉此固有明一代潮州人才之盛足以凌跨中州爲山川增色

都人士所當奉爲矩矱而是則是倣以庶幾追配於前聞人也

且讀其書論其世援據古今權衡時事則所爲修其教不易其俗齊其政不易其宜者亦可於是而得之矣編成

先生復加釐正而命付之梓謹爲誌其書之所由成者如此

道光二十七年丁未仲冬後學順德馮奉初識

潮州耆舊集

卷一

題辭

二

例言

潮僻處嶺東漢晉間人文未啓自唐高宗儀鳳間常懷德爲刺史以禮義教民而民化之其時則已有陳昭烈侯父子以功名顯著八閩泊乎昌黎謫潮首崇鄉校而潮人知學文行之篤延及齊民然天水登第已在韓子未至之先士之能自樹立者固不待昌黎而興也惟祇存文錄一序載在郡邑志中業已家絃戶誦吉光片羽聊從割愛

宋元之間人材輩出許運使申東巡獻賦頌召試擢第一而高

陽集已不傳林巽之巽所著易範今已散佚此外若廣南夫

潮州耆舊集卷一 凡例 三

子陳希復揭陽集劉化州允著文二百餘篇王尙書大寶諫

垣奏議經筵講義遺文十五卷及易詩書解並皆無存不獨

張新州夢之祿隱集陳宣慰肅之蓮峯集之湮沒於蠹魚兵

燹也嗟乎望古遙集喟焉長懷聊存其名以備好古者之景

仰

明代神宗朝學使張邦翼有嶺南文獻之選凡三十三卷或病

其太簡且文各分類論者以爲文選而非文獻厥後屈氏有

廣東文選之集或病其太繁近日順德羅雲山學鵬廣東文

獻四集於各郡蒐輯亦多未備茲編就潮郡有明一代二百

七十年中蒐羅共得二十家分卷三十有七不繁不簡足備一朝文獻之徵惟是世代遞更良多散佚其存者亦間有烏焉亥豕之訛原書更無善本校正爲難閱者諒之

諸家顯晦不同樹立亦異故或以德行稱或以忠義著或爲朝廷之名臣或爲遠方之循吏或以理學闡明儒先之傳或以邊功揚威閭閻之域或和聲以鳴盛或苦節以存貞合而觀之史傳中各類俱備洵一郡人文之大觀也

是書人各一集各依年代編次卷首採國史志乘本傳列於前以考其始末或志乘未備及舛錯者另爲擬傳總期得其人

潮州耆舊集卷一 凡例 四

之實而已次載原敘一篇而以題辭附焉

各家所選多寡不同或原文不多則槩從節取或美不勝收則擇其尤者韓子曰紀事者提其要纂言者鈎其元愚竊有取矣

是集所選二十家皆有專集此外有流傳一二篇不能入選者

桂林一枝崑山片玉彌覺可珍當另設拾遺一集以收之以補

此集之未備

我朝人文鼎盛潮中先輩著述不少然多係家藏本一時難以蒐羅誠恐挂一漏百統俟後來續輯

潮州耆舊集

總目

卷之一

李宮詹集

潮陽李 齡景齡著 宣德己酉舉人

卷之二

蕭給諫湖山集

潮陽蕭 龍宜中著 成化丙戌進士

卷之三

蕭太史鐵峯集

潮陽蕭與成宗樂著 正德丁丑翰林

卷之四

潮州耆舊集

卷一

總目

五

薛御史中離集

揭陽薛 侃尚謙著 正德丁丑進士

卷之五

薛御史中離集

卷之六

薛御史中離集

卷之七

林殿撰東莆集

海陽林大欽敬夫著 嘉靖壬辰狀元

卷之八

林殿撰東莆集

卷之九

翁襄敏東涯集

澄海翁萬達仁夫著 嘉靖丙戌進士

卷之十

翁襄敏東涯集

卷之十一

翁襄敏東涯集

卷之十二

翁襄敏東涯集

卷之十三

潮州耆舊集

卷一

總目

六

翁襄敏東涯集

卷之十四

蕭御史同野集

潮陽蕭端蒙日啓著 嘉靖辛丑進士

卷之十五

蕭御史同野集

卷之十六

王別駕半愍集

澄海王天性槐軒著 嘉靖壬子舉人

卷之十七

饒副使三溪集

大埔饒 相志尹著 嘉靖乙未進士

卷之十八

薛孝廉拯菴集

饒平薛 雍子容著 嘉靖辛卯舉人

卷之十九

陳侍郎玉簡山堂集

海陽陳一松宗巖著 嘉靖丁未翰林

卷之二十

林提學井丹集

潮陽林大春井丹著 嘉靖庚戌進士

卷之二十一

林提學井丹集

卷之二十二

潮州耆舊集

總目

七

林提學井丹集

卷之二十三

林提學井丹集

卷之二十四

唐選部醉經樓集

澄海唐伯元仁卿著 萬曆甲戌進士

卷之二十五

唐選部醉經樓集

卷之二十六

周大理明農堂集

潮陽周光鎬國雍著 萬曆辛未進士

卷之二十七

周大理明農堂集

卷之二十八

周大理明農堂集

卷之二十九

林尚書城南書莊集

海陽林熙春志和著 萬曆癸未進士

卷之三十

林尚書城南書莊集

卷之三十一

潮州耆舊集

總目

八

林尚書城南書莊集

卷之三十二

謝御史集

惠來謝正蒙中吉著 萬曆戊子舉人

卷之三十三

郭忠節宛在堂集

揭陽郭之奇正夫著 崇正戊辰翰林

卷之三十四

郭忠節宛在堂集

卷之三十五

羅吏部瞻六堂集

豐順羅萬傑貞卿著 崇正甲戌進士

卷之三十六

謝給諫霜崖集

澄海謝元汴梁也著崇正癸未進士

卷之三十七

黃處士遙峯閣集

大埔黃一淵積水著明季乙酉拔貢

潮州耆舊集

卷一

總目

九

李宮詹文集

潮陽縣誌名臣傳 參江西通志

李齡字景齡潮陽縣人宋延平之後父憲舉自中江徙官之莆中獨以少子齡從齡因數聞考亭遺訓心竊識之父卒齡益自力學宣德己酉舉鄉試高第後以正統丙辰乙榜授賓州學正尋丁母喪旋歸讓其所居近學宮地若干步有奇服闋尚書胡濙祭酒李時勉薦補國子學錄轉江西道監察御史提督北畿學政進詹事府丞景泰初選充官僚入史局與修歷代帝紀得陪祀典試會生母憂歸未幾英宗復辟輔導官多罪謫者齡以弗與建儲議得免終制改太僕寺丞居數年出爲江西提學齡

潮州耆舊集

卷一

傳

一

李宮詹遺稿敘

嘗觀郡邑乘所載英宗朝邑有官詹李先生文章政事爲時推重又云學政崇雅脫浮裁抑奔競噫是惡足以盡先生哉古今史乘語莫難於徵覈又莫難於櫟括卽非遷固欲以數言立要指難矣况檢薄爲政者任意削觚乘果足徵乎哉余寡昧無能窺作者門牆顧聞之學士先輩曰我邑士大夫學術最近古者無如李景齡先生今讀其遺書與其所載行事則先生者蓋以修道爲己任者也文章政事其緒餘耳惡足以盡先生先生官由外博士入成均擢御史院督學畿內薦青官分校史局蓋百

潮州耆舊集

卷一

序

二

里閭捐地拓學宮暨今兩地暨宗並血食不輟然則先生之學其修之身用之世豈空言以振華者可同日語去今百十年所矣七世孫一軒以明經登省魁爲令尹歸而紹修世業乃以故從父太學朝質君哀存遺業屬余校之且痛遭回祿幸存十一於千百余曰毋以爲也文以載道道在則文足徵矣今之士習噴英擣華者往往無當於理道不知繇古以來作者惟聖則經惟賢則史不聖不賢則爲鄙爲野先生之作雖不可多見然其文以理勝不以辭勝詩則以情勝不以調勝皆力務聖賢之學而其罔盤於道可知矣君以家世不能盡存公物爲惜余則以潮州耆舊集卷一 序 三

史乘不能槩公之大爲惜若可信可傳正不在篇章繁富已也其諸外編贈輓雜梓抑亦爲文獻足徵云邑人周光緒撰

李宮詹文集題辭

風雲月露沉博絕麗之文非不絢然可觀也而於斯世何補於身心性命何關雕蟲小技壯夫不爲也宮詹少隨父宦閩中得聞紫陽緒論由乙科起外博士擢侍御史晉官寮分校史局旋提督畿內江西兩省學政在江西首修復白鹿洞延胡敬齋先生主校事一時正學昌明人材輩出可謂能以道自任者矣集中遺文祇存什一於千百其事皆俗吏不爲之事其言皆儒者修道之言不獨江西人士由是作興而後此潮中薛唐諸公理學彬彬繼起亦無不權輿於是孟子所謂豪傑之士雖無文王

潮州耆舊集卷一

題辭

四

猶與宮詹其庶幾近之 後學順德馮奉初題